



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: jvp@bih.net.ba; info@voda.ba

Broj: 10-420-10/25

Datum: 28.04.2025. godine

Na osnovu člana 70. stav (4) i (6), a u vezi sa 72. stav (3) tačka e) i članom 69. stav (2) pod d) Zakona o javnim nabavkama ("Službeni glasnik BiH", broj 39/14, 59/22, 50/24), donosim

ODLUKU

o poništenju odluke o izboru najpovoljnijeg ponuđača broj:10-47-11/25 od 24.3.2025. godine, te poništenje postupka- "Ažuriranje preliminarne procjene rizika od poplava na vodnom području rijeke Save i Jadranskog mora u Federaciji BiH "

Obavještenje o nabavci br.: 1132-1-2-46-3-61/24

Član 1.

Poništava se odluka o izboru najpovoljnijeg ponuđača javne nabavke "Ažuriranje preliminarne procjene rizika od poplava na vodnom području rijeke Save i Jadranskog mora u Federaciji BiH", broj 10-47-11/25 od 24.3.2025. godine u kojoj je izabrana Grupa ponuđača Gradjevinski Institut d.o.o. Banja Luka (bivši CPK d.o.o Banja Luka) i SUEZ CONSULTING (SAFAGE) iz Francuske b.b., ul. Ada 24, registrovan kod Okružni privredni sud u Banjoj Luci, MBS:57-01-0201-17, JIB:4404199850006 kojeg zastupa Nebojša Pavlica, dipl.inž.građ i ovlašteno je lica ispred grupe ponuđača.

Član 2.

Poništava se postupak javne nabavke "Ažuriranje preliminarne procjene rizika od poplava na vodnom području rijeke Save i Jadranskog mora u Federaciji BiH", koji je pokrenula Agencija za vodno područje rijeke Save Sarajevo objavljeno u JP NIO Službeni list BiH Sarajevo - OGLASNIK JAVNE NABAVKE u Obavještenju o nabavci broj 1132-1-2-46-3-61/24, jer nijedna od primljenih ponuda nije prihvatljiva.

Član 3.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Stav (2) Zakona o javnim nabavkama.

Član 4.

Ova odluka će se objaviti na web-stranici www.voda.ba, istovremeno s upućivanjem odluka ponuđačima koji su učestvovali u postupku javne nabavke, shodno članu 70. Stav (6) Zakona o javnim nabavkama.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 10-718-4/24 od 25.06.2024. godine. Javna nabavka je provedena putem otvorenog postupka. Procijenjena vrijednost nabavke bez PDV-a je 700.000,00 KM. Obavještenje o nabavci broj: 1132-1-2-46-3-61/24 je poslato na objavu i objavljeno na portalu javnih nabavki dana 05.07.2024. godine.

Sa web portala "e-Nabavke" www.ejn.gov.ba tendersku dokumentaciju su preuzeli sljedeći ponuđači:

1. INSTITUT ZA HIDROTEHNIKU D.D. SARAJEVO
2. IPSA INSTITUT D.O.O. SARAJEVO
3. EKAPIJA DOO
4. HIGRACON
5. GEOGIS STUDIO D.O.O. SARAJEVO
6. BBS EUROPE
7. DRUŠTVO ZA UPRAVLJANJE RIZICIMA INZA D.O.O. SARAJEVO
8. INTEGRA D.O.O. MOSTAR
9. PRONING DHI D.O.O.
10. "MESCO" D.O.O. BANJA LUKA
11. ISTRAŽIVAČKO RAZVOJNI CENTAR - IRC D.O.O
12. DVOKUT - ECRO D.O.O.
13. VATROSISTEMI D.O.O.
14. BN PRO
15. CENTAR ZA PROJEKTOVANJE I KONSALTING "CPK" D.O.O. BANJALUKA
16. ENOVA D.O.O. SARAJEVO
17. ZAVOD ZA VODOPRIVREDU D.D. SARAJEVO
18. URBIS CENTAR
19. INSTITUT ZA ELEKTROPRIVREDU D.D.
20. TRAFFICON D.O.O
21. INSTITUT ZA GRAĐEVINARSTVO "IG" BANJA LUKA
22. RADIS DOO
23. S CONSALTING D.O.O MOSTAR
24. E PLAN MILAN SAVIĆ S.P. BANJA LUKA
25. ELEKTROPROJEKT D.D.
26. DOO INSTITUT ZA VODE BIJE LJINA

Komisija za nabavku imenovana je Rješenjem broj: 10-718-7/24 od 05.07.2024. godine. Komisija za javnu nabavku je blagovremeno i pravilno izvršila otvaranje ponuda i ocjenu pristiglih ponuda, o čemu je sačinila zapisnik o otvaranju ponuda i zapisnik o pregledu i ocjeni ponuda, u kojima je utvrđeno sljedeće:

Da je ukupan broj preuzimanja tenderske dokumentacije 26 (slovima: dvadeset šest),
Da je ukupan broj pristiglih ponuda 3 (slovima: tri),
Da je ukupan broj blagovremeno zaprimljenih ponuda 3 (slovima: tri),
Da nema neblagovremeno zaprimljenih ponuda,

Da su ponude 1 (slovima: jednog) ponuđača prihvatljiva,
ponuda 1 (slovima: jednog) ponuđača ocijenjena kao neprihvatljiva,
Da je ponuda 1 (jednog) ponuđača ocijenjena kao nepravilna na osnovu člana 66. stav (1) ZJN-a.

U postupku donošenja ove odluke, Komisija je pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

Agencija za vodno područje rijeke Save, Sarajevo je dana 4.9.2024. godine, kao Ugovorni organ u postupku javne nabavke „Ažuriranje preliminarne procjene rizika od poplava na vodnom području rijeke Save i Jadranskog mora u Federaciji BiH”, koji se provodi putem otvorenog postupka, zaprimila žalbu b.b. od 2.9.2024. godine, na Odluku o izboru najpovoljnijeg ponuđača broj 10-718-16/24 od 23.08.2024.godine. Žalba je uložena od strane žalioca grupe ponuđača „CPK” d.o.o. Banja Luka i SUEZ CONSULTING (SAFAGE) iz Francuske.

Ugovorni organ je ocijenio da je Žalba neosnovana, te je istu, u Zakonom određenom roku, proslijedio URŽ-u.

URŽ, filijala Mostar, je u svom Rješenju broj: JN2-03-07-1-2499-7/24 od 18.10.2024. usvojio žalbu i poništio ožalbenu odluku o izboru najpovoljnijeg ponuđača, te predmet vratilo ugovornom organu na ponovni postupak.

Komisija je u skladu sa naprijed navedenim Rješenjem provela povovnu pregled i ocjenu ponuda, pri čemu je od određenih ponuđača zahtijevala obrazloženja određenih dokaza koje su dostavili u svojim ponudama.

U skladu sa Rješenjem URŽ-a broj JN2-03-07-1-2499-7/24 od 18.10.2024. godine Ugovorni organ je poslao zahtjeve za pojašnjenje, u skladu sa članom 68. stav (3) Zakona, na adrese sljedećih ponuđača:

- Grupa ponuđača CPK d.o.o. BANJA LUKA i SUEZ CONSULTING (SAFAGE) NANTERE FRANCUSKA

Ugovorni organ je poslao Zahtjev za pojašnjenje referentnog posla za voditelja projekta za lice Ranisavljević Kosta, broj: 10-718-27/24 od 18.11.2024. godine, u kojem je Ugovorni organ zahtijevao da Grupa ponuđača da detaljan pojašnjenja za referentne poslove koji su navedeni za voditelja projekta, što je Grupa ponuđača svojim aktom broj: 3732-11/24 od 25.11.2024. godine i učinila, te je Komisija ocijenila ponudu Grupe ponuđača prihvatljivom.

- Ponuđač INSTITUT ZA HIDROTEHNIKU d.d. Sarajevo

Ugovorni organ je poslao Zahtjev za pojašnjenje referentnog posla za GIS eksperta i referentnog ugovora ponuđača, broj: 10-718-28/24 od 18.11.2024. godine, u kojem je Ugovorni organ zahtijevao pojašnjenje za lice Salwa Cherni, koje je u ponudi Ponuđača navedeno kao GIS ekspert. Naime, Ugovorni organ je zahtijevao da Ponuđač da dodatno pojašnjenje da li dostavljena dokumentacija za ponuđenog GIS eksperta ispunjava traženo stručno zvanje i zahtjevani broj ETCS bodova, kako bi Komisija jasno i potpunosti utvrdila činjenice i zaključila da li ponuđeni GIS ekspert Salwa Cherni zadovoljava kriterij propisan uslovom iz tačke 5.4.1.1b alineja peta TD tj. da li ima završenu visoku stručnu spremu VSS (sa minimalno osvojenih 240 ETCS bodova).

Nadalje, u vezi referentnog ugovora koji je Ponuđač naveo u referenc listi svoje ponude „Tehnička pomoć za izradu Plana upravljanja rizicima od poplava za Bosnu i Hercegovinu“ u iznosu od 264.050,00 eur (516.217,75 KM bez PDV-a), broj (oznaka) ugovora: Br. 21-01819-20LSE004, Br. 21-01929-20LSE004, Ugovorni organ je zahtijevao odgovor na sljedeće:

- Da li se navedeni iznos od 264.050,00 eura odnosi na ukupnu aktivnost koji ste realizirali kao konsultant u navedenom projektu?
 - Da li ste u navedenom projektu učestvovali kao član grupe ponuđača, tj. da li ste zajedno sa SUEZ CONSULTING (SAFAGE), Alter International Engineering and Consulting Services Co, i Institut za građevinarstvo „IG“ Banja Luka, na jednoj strani i Evropskom Unijom na drugoj strani potpisali ugovor o izvršenju navedenih usluga?
 - Da li ste, kao jedna ugovorna strana, potpisali ugovor o izvršenju navedenog projekta sa SUEZ CONSULTING (SAFAGE), Alter International Engineering and Consulting Services Co, i Institut za građevinarstvo „IG“ Banja Luka kao drugom ugovornom stranom?
- Također, Ugovorni organ je zahtijevao i kopiju ugovora koji su naveli u svojoj referenc listi i za kojeg su dostavili potvrdu o uspješno realizovanom poslu.

U svom odgovoru broj: TSP-01-386/24 od 22.11.2024. godine Ponuđač je, između ostalog, pojasnio da je diploma VSS za GIS eksperta Salwa Cherni nostrifikovana 2010. godine na Mediteranean Institute of Bari, Italija, na bazi ispunjenog zahtjeva da kandidat ima ostvarenih 240 ECTS bodova u toku dodiplomskog studija, na osnovu čega je Salwa Cherni upisala drugi ciklus na navedenom institutu. Nadalje, Ponuđač je objasnio da prilikom realizacije ugovora, koji je naveo kao referentni posao, nije učestvovao u postupku kao član grupe ponuđača, nego je naknadno angažovan kao konsultant, te je dostavio i kopiju ugovora na uvid.

- Grupa Ponuđača: IPSA INSTITUT d.o.o. SARAJEVO i INSTITUT ZA ELEKTROPRIVREDU d.d., Zagreb nije ispunila traženi uslov iz tačke 5.4.1.a) t.d. Naime, niti jedan referentni posao koji je naveden u dostavljenom Spisku izvršenih ugovora (Referenc lista, Aneks 12 TD) se ne odnosi na izradu tehničke dokumentacije vezane za planove upravljanja rizikom od poplava u skladu sa Direktivom o procjeni i upravljanju rizicima od poplava 2007/60/EZ). Tehnička dokumentacija na koju se odnosi navedena direktiva može biti jedino: Preliminarna procjena rizika od poplava, mape opasnosti i mape rizika od poplava i Plan upravljanja rizikom od poplava. Naime, kao referentni posao navedena je izrada prognoznih modela za pojedine slivove i izrada hidroloških studija što ni u kom slučaju ne ispunjava uslove navedene u tački 5.4.1a) predmetne tenderske dokumentacije. Također, minimalne ugovorene vrijednosti ugovora koji su navedeni u Referenc listi (Aneks 12), tj. dio ugovora koji je realizirao Institut za elektroprivredu d.d. Zagreb (kao član Grupe ponuđača koja je realizirala navedene ugovore), a sada član ove Grupe ponuđača, su manje od minimalne ugovorene vrijednosti od 400.000,00 KM bez PDV-a tražene tačkom 5.4.1.a) t.d. U Referenc listi (Aneks 12) nije naveden niti jedan ugovor koji je izvršio drugi član Grupe ponuđača IPSA INSTITUT d.o.o. SARAJEVO.

Ugovorni organ je nakon pregleda i ocjene ponuda zakazao provođenje e-aukcije za 9.12.2024. godine u 10:00 sati.

Prilikom zakazivanja ponuda Ugovorni organ je u sistem e-Nabavke unio sve prihvatljive ponude definisane članom 2. stavom (1) tačkom I) alinejom 1) ZJN-a.

Nakon održane e aukcije Ponuđači su ponudili sljedeće cijene:

R. broj	PONUĐAČ	Cijena na (javnom) otvaranju KM (bez PDV-a)
1	CENTAR ZA PROJEKTOVANJE I KONSALTING "CPK" D.O.O. BANJALUKA,SAFEGE (SUEZ CONSULTING)	180.500,00
2	INSTITUT ZA HIDROTEHNIKU D.D. SARAJEVO	180.900,00

Nakon održane e aukcije Ugovorni organ je 13.12.2024. godine na adrese ponuđača „Grupa ponuđača CENTAR ZA PROJEKTOVANJE I KONSALTING "CPK" D.O.O. BANJALUKA, SAFEGE (SUEZ CONSULTING) i INSTITUT ZA HIDROTEHNIKU D.D. SARAJEVO poslao Zahtjeve za pojašnjenje neprirodno niske cijene broj: 10-718-37/24 i 10-718-38/24 od 12.12.2024. godine s obzirom da su oba ponuđača na e aukciji spustili cijenu sa javnog otvaranja za više od 70%.

- Ponuđač INSTITUT ZA HIDROTEHNIKU D.D. SARAJEVO je u svom odgovoru broj: UP-01-40924 od 18.12.2024. godine obrazložio svoju ponuđenu cijenu na e aukciji, što je Komisija prihvatila.

- Grupa ponuđača CENTAR ZA PROJEKTOVANJE I KONSALTING "CPK" D.O.O. BANJALUKA, SAFEGE (SUEZ CONSULTING) nije dostavila obrazloženje neprirodno niske cijene. Nakon telefonskog poziva koji je obavio službenik za javne nabavke Okić Kemal, 24.12.2024. godine, zbog provjere da li je Grupa ponuđača zaprimila Zahtjev i da li namjerava da odgovori na isti. Kontakt osoba ispred Grupe ponuđača, Davor Račić, je izjavio da mu je rečeno da ne odgovara na Zahtjev za pojašnjenje neprirodno niske cijene. Službenik za javne nabavke Kemal Okić je tim povodom sačinio službenu zabilješku.

Na osnovu člana 66. stav (1) ZJN-a, a uzimajući u obzir da Grupa ponuđača nije dostavila ugovornom organu obrazloženje neprirodno niske cijene, ponuda Grupe ponuđača se odbacuje.

Agencija za vodno područje rijeke Save, Sarajevo je dana 3.2.2025. godine, kao Ugovorni organ u postupku javne nabavke „**Ažuriranje preliminarne procjene rizika od poplava na vodnom području rijeke Save i Jadranskog mora u Federaciji BiH**“, koji se provodi putem otvorenog postupka, zaprimila žalbu na Odluku o izboru najpovoljnijeg ponuđača broj: 10-718-42/24 od 14.1.2025. godine. Žalba je izjavljena od strane žalioaca - grupe ponuđača Gradjevinski Institut d.o.o. Banja Luka (bivši CPK d.o.o Banja Luka) i SUEZ CONSULTING (SAFAGE) iz Francuske zastupane po advokatu Aleksa Prole iz Banja Luke.

Prije razmatranja navoda žalbe Ugovorni organ je zaključio sljedeće:

-Žalba je blagovremena, dopuštena i izjavljena od ovlaštenog lica.

-Žalba sadrži dokaz o plaćenju naknadi za pokretanje žalbenog postupka, u iznosu propisanom članom 108. ZJN-a, na osnovu kojeg se može nesumnjivo utvrditi da je transakcija izvršena.

Nadalje, Ugovorni organ je zaključio da je Žalba izjavljena od strane grupe ponuđača ponuđača Gradjevinski Institut d.o.o. Banja Luka (bivši CPK d.o.o Banja Luka) i SUEZ CONSULTING (SAFAGE) iz Francuske osnovana.

U žalbi Žalilac tvrdi da je pobijana Odluka u suprotnosti sa Rješenjem URŽ-a, filijala Mostar broj: JN"-03-07-1-2499-7/24 od 18.10.2024. godine zato što je ponuda ponuđača Institut za hidrotehniku d.d. Sarajevo trebala biti diskvalifikovana u skladu sa Rješenjem URŽ-a. URŽ je u navedenom rješenju ocijenio da ponuda ponuđača Institut za hidrotehniku d.d. Sarajevo ne ispunjava zahtjeve iz predmetne t.d. iz dva razloga i to:

- da Institut za hidrotehniku d.d. nije dostavio potrebne dokaze (diplomu) za eksperta za GIS sa minimalno osvojenih 240 ECTS bodova i
- URŽ je ocijenio da je žalbeni navod koji se odnosi na potvrdu o dobrom izvršenju posla osnovan.

S obzirom da je ugovorni organ nakon razmatranja žalbenih navoda uočio da je napravio grešku na način da je postupao suprotno rješenju URŽ-a, ocijenio je Žalbu kao osnovanu, te donio Rješenje broj 10-718-45/24 od 7.2.2025. godine kojim poništava ožalbenu odluku.

Također, obzirom na navedeno i činjenicu da u skladu sa članom 5. stav (1) Pravilnika o uslovima i načinu korištenja e-aukcije ("Službeni glasnik BiH", broj: 80/23) Ugovorni organ u sistem e-Nabavke unosi sve prihvatljive ponude definirane članom 2. stavom (1) tačkom I) alinejom 1) ZJN-a e aukcija koja je održana 9.12.2024. godine u 10:00 sati nije u skladu sa odredbama ZJN-a i Pravilnika o uslovima i načinu korištenja e-aukcije, jer je u sistem unesena neprihvatljiva ponuda. Imajući u vidu navedeno e aukcija održana 9.12.2024. godine se poništava.

Cijena prihvatljive ponude je sljedeća:

R. broj	PONUĐAČ	Cijena na (javnom) otvaranju KM (bez PDV-a)
1	Gradjevinski Institut "GIBL" d.o.o. Banja Luka (bivši CPK d.o.o Banja Luka) i SUEZ CONSULTING (SAFAGE)	699.900,00

U toku provedbe postupka javne nabavke usluga "Ažuriranje preliminarne procjene rizika od poplava na vodnom području rijeke Save i Jadranskog mora u Federaciji BiH" donesena je Odluka o izboru najpovoljnijeg ponuđača (akt broj: 10-47-11/25 od 24.03.2025. godine) kojom je grupa ponuđača Gradjevinski Institut "GIBL" d.o.o. Banja Luka (bivši CPK d.o.o Banja Luka) i SUEZ CONSULTING (SAFAGE) izabrana kao najpovoljniji ponuđač za predmetne usluge.

Nakon što je istekao rok iz pouke o pravnom lijeku (rok za izjavu žalbe na navedenu Odluku) predstavnici firme GIBL pozvani su na potpisivanje ugovora koje je zakazano za 15.04.2025. godine (akt broj: 10-420-6/25 od 11.04.2025. godine). U pozivu je napomenuto da su najkasnije u momentu zaključenja ugovora dužni dostaviti dokumentaciju navedenu u poglavlju 5.6. tenderske dokumentacije (Uslovi za zaključenje ugovora), u originalu ili kopiji ovjerenoj od strane nadležnog organa.

Tačkom 5.6. TD kao uslov za zaključenje ugovora o javnoj nabavci od izabranog ponuđača je zahtijevano da posjeduje:

- Ovlaštenje izdato od strane Federalnog ministarstva poljoprivrede, vodoprivrede i šumarstva za obavljanje stručno-tehničkih poslova iz nadležnosti agencija za vode iz člana 2. tačka 2. Pravilnika o uvjetima i kriterijima koje moraju zadovoljavati ovlaštena pravna lica za obavljanje stručno-tehničkih poslova iz nadležnosti agencija za vode i načinu izdavanja ovlaštenja ("Službene novine Federacije BiH", broj 75/09) –izrada tehničke dokumentacije vezane za planove upravljanja rizikom od poplava;

Ponuđač koji bude odabran za dodjelu ugovora dužan je da najkasnije u momentu zaključenja ugovora dostavi gore navedeno rješenje u originalu ili kopiji ovjerenoj od strane nadležnog organa. Ukoliko izabrani ponuđač ne dostavi zahtijevano rješenje, ugovor će se dodijeliti sljedećem ponuđaču sa liste.

Akt kojim je Ponuđač pozvan na potpisivanje ugovora je dostavljen na dvije kontakt e-mail adrese koje su navedene u njihovoj ponudi, te se pokušalo u više navrata poslati i putem faxesa, ali bezuspješno. Zbog toga je Ponuđač kontaktiran od strane ovlaštenog slubenog lica putem telefonskog poziva, te je kontakt osoba navedena u ponudi (g-đa Jelena Pastir) o datumu potpisivanja ugovora upoznata i na taj način, što je evidentirano u Službenoj zabilješci broj: 10-42-7/25 od 14.04.2025. godine. Uprkos svemu navedenom Ponuđač se nije odazvao pozivu i nije se nikako pojavio u prostorijama Ugovornog organa u predviđeno vrijeme.

Nakon toga putem brze pošte (DHL) poslana je Urgencija i poziv (akt broj: 10-420-8/25 do 16.04.2025. godine) sa novim terminom za potpisivanje predmetnog ugovora dana 18.04.2025. godine u 11:00 sati, ali se Ponuđač nije odazvao ni tom pozivu i nije se pojavio u prostorijama Ugovornog organa u predviđeno vrijeme definisano novim terminom.

Pošto se stekao utisak i sumnja da predstavnici Ponuđača GIBL iz nekih nama nepoznatih razloga "izbjegavaju" se odazvati pozivu na potpisivanje predmetnog ugovora, Ugovorni organ je uputio i drugu urgenciju i poziv (akt broj: 10-420-9/25 od 18.04.2024. godine) koji je naslovljen na njihovog pravnog punomoćenika Advokata Aleksu Prole sa novim terminom za potpisivanje predmetnog ugovora dana 23.04.2025. godine u 11:00 sati. Ponuđač se nije odazvao ni tom pozivu i nije se pojavio u prostorijama Ugovornog organa u predviđeno vrijeme definisano novim terminom, pa samim tim nije ispunio uslove za zaključenje ugovora propisane tačkom 5.6. Tenderske dokumentacije za predmetnu nabavku tj. ni najkasnije u momentu zaključenja ugovora nije dostavio gore navedeno ovlaštenje/ rješenje u originalu ili kopiji ovjerenoj od strane nadležnog organa.


Napominjemo da su predstavnici AVP Sava za sva tri zakazana termina potpisivanja ugovora izvršili provjeru na zvaničnoj web stranici (<https://fmpvs.gov.ba/lista-I-i-II/>) Federalnog ministarstva poljoprivrede, vodoprivrede i šumarstva da li se firma GIBL d.o.o. Banja Luka (odnosno njen pravni prethodnik CPK d.o.o. Banja Luka) nalazi na LISTI II Pravnih lica kojima su izdata ovlaštenja za obavljanje stručno-tehničkih poslova iz nadležnosti agencija za vode iz člana 2. tačka. 2. Pravilnika - Izrada tehničke dokumentacije vezane za operativne planove odbrane od poplava i planove upravljanja poplavnim rizikom, te tehničke dokumentacije za izgradnju zaštitnih objekata iz člana 14. stav 1. tačka 1. Zakona o vodama. Na osnovu toga sva tri puta je nesporno utvrđeno, kao i na dan donošenja ove Odluke, da firma GIBL d.o.o. Banja Luka (odnosno ni njen pravni prethodnik CPK d.o.o. Banja Luka) nije bila, niti je u trenutku donošenja ove Odluke, upisana na LISTI II FMPVŠ-a kao pravno lice kojem je izdato traženo ovlaštenje.


Također na dan pisanja (28.04.2025) ove odluke smo provjeravali na web strnici www.dhl.com Urgenciju i poziv koji je poslan putem brze pošte (DHL), koja uopšte nije bila zaprimljena.

Na osnovu svega navedenog i jer nijedna od primljenih ponuda nije prihvatljiva, odlučeno je kao u dispozitivu.

POUKA O PRAVNOM LIJEKU:

Učesnik u postupku, koji nije zadovoljan ovom odlukom, može u roku od 10 (deset) dana od dana prijema ove odluke izjaviti žalbu zbog povrede odredaba Zakona o javnim nabavkama. Žalba se podnosi u najmanje 3 primjerka Agenciji za vodno područje rijeke Save, Sarajevo.


- Akt izradio: Haris Hadrović 

- Akt kontrolisao: Almir Prljača 

Dostaviti:
✓ Ponuđačima,
AVP Jadransko more,
Sektor 50,
Sektor 10,
a/a.

v.d.DIREKTOR




Dženana Remić, dipl. iur.